



TOSHKENT DAVLAT YURIDIK UNIVERSITETI REKTORINING B U Y R U G ' I

29.03.2024

206-tm-son

Talabalarga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksiga rioya qilmaslik holatlari kuzatilmoqda. Jumladan, dekanat tomonidan dars mashg'uloti vaqtida ruxsatsiz telefondan foydalanmaslik yuzasidan ogohlantirilib, bu bo'yicha universitet rektorining Talabaga hayfsan e'lon qilish to'g'risidagi bir necha buyruqlari o'qib eshittirilganligiga qaramasdan Xususiy huquq fakulteti 3-kurs talabalari Ma'rufov Sardorxo'ja Iminjon o'g'li 2024-yil 26-mart kuni Biznes huquqi seminar dars mashg'ulotida, Isroilov Ikromjon Ilhom o'g'li 27-mart kuni Xalqaro investitsiya huquqi ma'ruza dars mashg'ulotlari vaqtida ijtimoiy tarmoqlardan foydalanib, dars mashg'ulotiga taalluqli bo'lmagan sahifalarni tomosha qilib o'tirganligi hamda dars mashg'ulotlarini sifatli o'tilishiga salbiy ta'sir ko'rsatganligi dekanat tomonidan situatsion markazi orqali aniqlanib, video yozuvlar asosida isbotlab berilgan.

Talaba mazkur harakatlari bilan Toshkent davlat yuridik universiteti Odob-axloq kodeksi 21-moddasi (dars mashg'ulotlari vaqtida uyali aloqa vositalaridan foydalanish barcha uchun qat'iyan taqiqlanadi. Uyali aloqa vositalaridan foydalanishga zarur va uzrli holatlarda pedagog xodimning ruxsati bilangina ruxsat etilishi mumkin) talablarini buzgan.

Shuningdek, Toshkent davlat yuridik universitetining Odob-axloq kodeksi bilan tanishtirilganligi, dekanat xodimlari tomonidan bir necha bor eslatmalar, tushuntirishlar va ogohlantirishlar berilishiga qaramasdan Xususiy huquq fakulteti 3-kurs talabasi Komoldinov Shohbozbek Farhodjon o'g'li 2024-yil 13-mart kuni dars mashg'ulotlariga soqoli o'sgan holatda kelganligi sababli dekan tomonidan rasman ogohlantirilganligiga qaramasdan 26-mart kuni soqoli o'sgan va tashqi ko'rinish qoidalariga rioya qilmagan holatda kelgan. Holat yuzasidan tushuntirish xatlari olingan.

Talaba mazkur harakatlari bilan Toshkent davlat yuridik universiteti Odob-axloq kodeksi 12-moddasining 4 va 5-bandlarida belgilangan qoidalarni buzgan.

Yuqoridagilarni inobatga olgan holda, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-band, Toshkent davlat yuridik universiteti Odob-axloq kodeksining 12 va 21-moddasi hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1. Universitet Odob-axloq kodeksining 21-moddasi talablarini buzganligi uchun universitetning Xususiy huquq fakulteti 3-kurs talabalari Ma'rufov Sardorxo'ja Iminjon o'g'li, Isroilov Ikromjon Ilhom o'g'liga, 12-moddasining 4 va 5-bandlarini buzganligi uchun Komoldinov Shohbozbek Farhodjon o'g'liga hayfsan e'lon qilinsin.

2. Fakulteti dekani (B.Musayev):

ushbu buyruq bilan barcha talabalarni tanishtirsin;

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

